

Armeniæ ad Erzerum in neglectis (Huet!), Syriæ borealis et Mesopotamiæ ad Nisib, Aintab, Orfa (Haussk!), ad Diarbekir (Ky. 133!).

Semipedale et pedale, a *C. divaricato* phyllis glanduloso-asperis, externis eis hujus specie multo angustioribus sed acutis et interiora subæquantibus, corollis brevibus egregie distinctum.

4. **C. Noëanum**, annum, caule glabro rigidulo parce et dichotome ramoso, foliis radicalibus in lacinias triangulares runcinatim pinnatipartitis margine et sæpe ad costam minute calcareo-spinulosis, superioribus a basi semiamplexicauli anguste linearibus, capitulis dichotomiarum fasciculatis sessilibus altero longe pedunculato, terminalibus longe pedunculatis pedunculis demum incrassatis, involucri phyllis breviter lanceolatis acutis glabris remote spinuloso-ciliatis externis vix brevioribus, flosculis involucri vix duplo brevioribus, pappi paleis breviter lineari-spathulatis achenio quintuplo brevioribus, acheniorum interiorum alternatim in aristam achenio subæquilongam productis ☉.

Hab. in cultis et ruderalibus Babylonæ prope Kutt ad Tigrim (Noë exs. 53!).

Facie, phyllorum involucri formâ, corollis parvis *C. glanduloso* affine sed glabrum, capitulorum dichotomialium alterum pedunculatum, pappi paleæ interiores in setas productæ. Ulterius observandum.

§ 2. **Acanthophyton** D.C. — Capitula quinqueflora, rami spinescentes.

5. **C. spinosum** (L. Sp. 1142) perenne vel bienne, rhizomate pluricipiti cespitoso, caulibus nanis crassis a basi dichotome et divaricatim ramosissimis ramis terminalibus sæpius non floriferis accretis spinescentibus persistentibus, foliis carnosulis rosulatis sinuato-dentatis vel runcinatim pinnatifido-lyratis segmentis parvis obtusis terminali majore ovato vel oblongo, capitulis in dichotomiis subsessilibus solitariis rarius 2-3 aggregatis, terminalibus paucis pedunculatis, involucri phyllis obtusis externis breviter ovatis mucronulatis internis triplo longioribus linearibus, flosculis involucri duplo longioribus, pappo setoso-subpaleaceo achenio 8-10-plo brevioris. Ic. Fl. Græc. tab. 823. — Rchb. Ic. tab. 6.

Hab. in saxosis et arenosis maritimis Laconia (Fl. Pèlop.), Atticæ inter Eleusin et Megaram et ad Calamaki prope Corinthum (Boiss!, Sprun!), Cephalonia (Schimp!), Cretæ (Sibth, Heldr! Raul!), Rhodi (Bourg!), Cypri (Sibth., Auch. 3454!).

Ar. Geogr. Insulæ Baleares, Sicilia.

HYOSERIS (L. Gen. 916 ex parte).

Capitulum multiflorum. Receptaculum nudum. Involucrum calyculatum squamis calyculi 1-vel biserialibus, phyllis 6-10 fructiferis induratis achenia externa fulcrantibus. Achenia externa a dorso compressa linearia breviter apice setulosa, intermedia compresso-alata